



郵政叢書

十一

14  
458  
11



458  
11



後漢

傳

補

楊峴題



南陵徐氏  
精學齋

後漢儒林傳補逸序

江都田季華先生余姑之夫也篤志古學尤深於經營  
呂後漢書儒林傳於東京儒者甄采未備因爲補逸一  
書先采本書旁及他籍未及卒業遽歸道山稿藏於家  
未謀剗南陵徐積餘孝廉雅材博物僑寓揚州搜訪  
揚郡諸耆儒著述爲付諸梓刻有積學齋叢書多海內  
學者罕覩之本嘉惠後學厥功甚偉時余假館其家積  
餘因詢及先生遺著遂出此編呂示之積餘謂先生此  
書於東漢經師淵源授受瞭然可睹不獨補蔚宗之闕  
抑爲後世之求東漢師儒家法者所不可少之書也因  
取范書緝閱數過復博考羣籍闕者補之本無者增之

敘次顛倒者整比之於是此書遂成完帙洵可謂修學好古實事求是者已先生未刻之書尙有揚州金石志金石話目耕齋筆記諸書增記於此且待世之求先生遺書者先生有子增義遭亂廢讀然性好吟咏抱先生遺著守而勿失亦賢子孫之不墜家聲者也積餘刊此編既竣事余因志其緣起錄於左方且諗讀是書者儀徵劉富曾南劉金好翁幸氣林謝林謝高謝林謝書夫宋本善文辭餘未及卒業擬讀其書目與謝書謝林謝林謝東謝書理宋未前因武府殿一五階田等華夫主余故之火山讀志古學大疑紙錄書

凡例  
一凡東漢通經之儒見范書列傳而不入儒林傳者皆采入後漢書無其人而見於他書所引者亦采入  
一東漢經師類能通經致用茲編且述經學之淵源授受爲主至其宦蹟文行列傳俱在無取重儷但稍詳仕績其他概從芟梓  
一有所引出范書之外者卽詳其行事且補范書之闕  
一敘次仍從范書儒林傳之例且通一經者列前兼諸經列後藉可攷見師承派別義取因襲無用更張  
一採既分經敘列其有一家數人一姓數代均列合傳而於目錄注明

一 所擇均在儒林傳之外者方為敘錄其有本在儒林傳之人其傳中逸文佚事亦概不補錄且此書專為儒林傳外補所逸之人非為儒林傳中補所逸之文也

一 范書儒林傳未特舉牟融王良桓榮杜林賈逵馬融鄭元六人之名但略而不詳即所謂自有列傳則不兼書正史裁之體例故茲編於六人均仍蒐采不必且重複為疑也

一 漢黃門令史游急就章至今與說文並重後漢黃門李巡所注爾雅亦為後儒研考宗仰之書均且宦者而通經學二書均著錄於籍而巡之人品范書稱其

清忠故此編巡亦敘入至於經術深通而品概卑下者亦節取之



袁安

子京

敬

孫彭

湯

右漢傳本傳利送目金

王景

王

楊由

段翳

折像

樊英

朗宗

梁恭

呂羌

右補諸家易二十四人

順陽懷侯嘉

鄧弘

牟融

王良

杜林

吳良

鮑永

子昱

張楷

桓榮

子郁

曾孫鸞

元孫典

彭閔

皋弘

何湯

丁鴻

周磐

後漢書本傳通目象

宋意

寒朗

張禹

張酺

楊震

子秉 孫賜

虞詡

張奐

王渙

索盧放

朱勃

楊統

子厚

陰慶

馮元

右補諸家尙書三十四人

馬援

兄子嚴

魯恭

弟丕

伏湛

子無忌

廉范

翟酺

劉方

李恂

李業



王阜

右補諸家詩十二人

曹褒

劉茂

右補諸家禮二人

來歙

寇恂

馮異

侯霸

承宮

孔奮

弟奇 子嘉

樊儵

鄭興 子眾

陳元

賈逵

張霸

楊終

班超

延篤

魏朗

郭泰

李章

逢萌

北海敬王睦

金子嚴

趙牧

王輔

任棠

右補諸家春秋二十六人

趙岐

右補諸家孟子一人

竇攸

李巡

右補諸家爾雅二人

賈復

孫宗

耿弇

卓茂

劉寬

趙典

桓譚

馮豹

鄧暉

杜喬

宋均

馮緄

朱穆

樂恢

胡廣

橋元

崔駰子瑗

周燮

徐穉

姜肱

申屠蟠

劉陶

馬融

鄭玄

盧植

蔡邕

周舉

荀爽兄子悅

李固

劉淑

劉祐

岑暉

任延

夏恭

子牙

譙玄

子瑛

陳重

雷義

范冉

李邵

廖扶

公沙穆

唐檀

井丹

梁鴻

法真

徐淑

馬續

韋著

李咸

杜真

摯恂

宗資

王奐

孔喬

李炳

尹珍

孫晨

辛繕

楊克

右補諸家兼經六十三人

後漢儒林傳補逸

儀徵田普光學

易

鄧晨字偉卿南陽新野人也本傳家富於財少受易好節

義世祖與之善吕姊妻之惠棟注引袁宏紀

馬廖字敬平本傳廖少習易經清約沈靜本傳注引東觀漢記永元

四年卒本傳

蘇竟字伯況扶風平陵人也平帝世竟吕明易為博士

講書祭酒原注王莽置六經祭酒秩上卿善圖緯能通

百家之言王莽時與劉歆等共典校書本傳

郎顛字雅光北海安邱人也父宗字仲綬學京氏易善

風角星算六日七分能望氣占候吉凶常賣卜自奉安  
帝徵之對策為諸儒表後拜吳令顓少傳父業兼明經  
典隱居海畔延致學徒常數百人晝研精義夜占象度  
勤心銳思朝夕無倦本傳

張堪字君游南陽宛人也年十六受業長安本傳治梁丘

易才美而高京師號曰聖童惠引東觀記

梁竦字叔敬少習孟氏易弱冠能教授竦閉門自養呂

經籍為娛著書數篇名曰七序班固見而稱曰孔子著

春秋而亂臣賊子懼梁竦作七序而竊位素餐者慙竦

生長京師不樂本土自負其才鬱鬱不得意嘗登高遠

望歎息言曰大丈夫居世生當封侯死當廟食如其不

然閒居可自養志詩書足自娛州郡之職徒勞人耳

本傳孫商字伯夏本傳商少持韓詩兼讀眾書記傳天資聰

敏昭達萬情本傳注引東觀記

范升字辯卿代郡人也少孤依外家居九歲通論語孝

經及長習梁丘易老子教授後生建武二年光武徵詣

懷宮拜遷博士上疏讓曰臣與博士梁恭山陽太守呂

羌俱修梁丘易二臣年竝耆艾經學深明而臣不日時

退與恭竝立深知羌學又不能達慙負二老無顏於世

誦而不行知而不言不可開口呂為人師願推博士呂

避恭羌帝不許然由是重之時尚書令韓歆上疏欲為

費氏易左氏春秋立博士詔下其議四年正月朝公卿

後漢書林傳補送  
大夫博士見於雲臺帝曰范博士可前平說升起對曰  
左氏不祖孔子而出於丘明師徒相傳又無其人且非  
先帝所存無因得立遂與韓歆及太中大夫許淑等互  
相辯難日中乃罷升退而奏曰臣聞主不稽古無曰承  
天臣不述舊無曰奉君陛下愍學微缺勞心經藝情存  
博聞故異端競進近有司請置京氏易博士羣下執事  
莫能據正京氏既立費氏怨望左氏春秋復曰比類亦  
希置立京費已行次復高氏春秋之家又有騶爽如令  
左氏費氏得置博士高氏騶爽五經奇異竝復求立各  
有所執乖戾分爭從之則失道不從則失人將恐陛下  
必有厭倦之聽孔子曰博學約之弗叛矣夫夫學而不

約必叛道也顏淵曰博我曰文約我曰禮孔子可謂知  
教顏淵可謂善學矣老子曰學道日損損猶約也又曰  
絕學無憂絕末學也今費左二學無有本師而多反異  
先帝前世有疑於此故京氏雖立輒復見廢疑道不可  
由疑事不可行詩書之作其來已久孔子尚周流遊觀  
至於知命自衛反魯迺正雅頌今陛下草創天下紀綱  
未定雖設學官無有弟子詩書不講禮樂不修奏立左  
費非政急務孔子曰攻乎異端斯害也已傳曰聞疑傳  
疑聞信傳信而堯舜之道存願陛下疑先帝之所疑信  
先帝之所信曰示反本明不專已天下之事所曰異者  
曰不一本也易曰天下之動貞夫一也又曰正其本萬

事理五經之本自孔子始謹奏左氏之失凡十四事時  
 難者曰太史公多引左氏升又上太史公違戾五經謬  
 孔子言及左氏春秋不可錄三十一事詔曰下博士後  
 永平中為聊城令坐事免卒於家本傳  
 度尚字博平山陽湖陸人也本傳尚少喪父事母至孝通  
 京氏易古文尚書為吏清潔有文武才幹本傳注引續漢書  
 沛獻王輔善京氏易本傳永平五年秋京師少雨上御雲  
 臺召尚席取卦具自為卦以周易卦林卜之其繇曰蟻  
 封穴戶大雨將集明日大雨上即詔書問輔曰道豈  
 有是邪輔上書曰案易卦震之蹇蟻封穴戶大雨將集  
 蹇艮下坎上艮為山坎為水山出雲為雨蟻穴居而知

雨將雲雨蟻封穴故曰蟻為興文詔報曰善哉王次序  
 之惠引東觀記建武十五年封右馮翊公十七年郭后廢為  
 中山太后故徙輔為中山王并食常山郡二十年復徙  
 封沛王輔矜嚴有法度好經書善說京氏易孝經論語  
 傳及圖讖作五經論案東觀記云集經傳時號之曰沛  
 王通論本傳奉藩以至沒身遵履法度未嘗犯禁稱為賢  
 王惠引東觀記顯宗敬重數加賞賜立四十六年薨本傳  
 徐防字謁卿沛國鉅人也祖父宣為講學大夫曰易教  
 授王莽父憲亦傳宣業防少習父祖學永平中舉孝廉  
 除為郎防體貌矜嚴占對可觀顯宗異之特補尚書郎  
 和帝時稍遷司隸校尉出為魏郡太守永元十年遷少



後漢傳本傳不選  
四  
府大司農十四年拜司空防曰五經久遠聖意難明宜  
爲章句曰悟後學上疏曰臣聞詩書禮樂定自孔子發  
明章句始於子夏其後諸家分析各有異說漢承亂秦  
經典廢絕本文略存或無章句收拾缺遺建立明經博  
徵儒術開置太學孔聖既遠微旨將絕故立博士十有  
四家設甲乙之科目勸學者所曰示人好惡改敝就  
善者也伏見太學試博士弟子皆曰意說不修家法私  
相容隱開生姦路每有策試輒興諍訟論議紛錯互相  
是非孔子稱述而不作又曰吾猶及史之闕文疾史有  
所不知而不肯闕也今不依章句妄生穿鑿曰遵師爲  
非義意說爲得理輕侮道術寢曰成俗誠非詔書實選

本意改薄從忠三代常道專精務本儒學所先臣曰爲  
博士及甲乙策試宜從其章句開五十難曰試之解釋  
多者爲上第引文明者爲高說若不依先師義有相代  
皆曰爲非五經各取上第六人論語不宜射策雖所失  
或久差可矯革詔書下公卿皆從防言十六年拜爲司  
徒延平元年遷太尉與太傅張禹參錄尚書事數受賞  
賜甚見優寵安帝卽位曰定策封龍鄉侯食邑千一百  
戶本傳  
袁安字邵公汝南汝陽人也祖父良習孟氏易平帝時  
舉明經爲太子舍人安少傳良學爲人嚴重有威見敬  
於州里初爲縣功曹章和四年春薨朝廷痛惜焉本傳

京字仲譽習孟氏易作難記三十萬言初拜郎中稍遷侍中出為蜀郡太守袁安傳敞字叔平少傳易經教授曰父任為太子舍人和帝時歷為將軍大夫侍中出為東郡太守徵拜太僕光祿勳元初三年代劉愷為司空孫彭字伯楚少傳父業歷廣漢南陽太守順帝初為光祿勳行至清為吏麤袍糲食終於議郎袁安傳湯字仲河少傳家學諸儒稱其節多歷顯位桓帝初為司空呂豫議定策封安國亭侯食邑五百戶累遷司徒太尉呂災異策免卒諡曰康侯袁安傳

王景字仲通樂浪訃郡人也景少學易遂廣闢羣書又好天文術數之書本傳

楊由字哀侯蜀郡成都人也少習易并七政元氣風雲占候為郡文學掾著書十餘篇名曰其平終於家方術本傳

段翳字元章廣漢新都人也習易經明風角方術本傳

折像字伯式廣漢雒人也通京氏易好黃老言方術本傳

樊英字季齊南陽魯陽人也少受業三輔習京氏易兼明五經又善風角星算河洛七緯推步災異英著易章句世名樊氏學方術本傳

郎宗字仲綏安丘人也樊英傳作北海郎宗善京氏易推步吉凶常負笈荷擔賣卜給食樊英傳注引謝承書

梁恭建武初博士呂羌山陽太守俱修梁丘易年並耆艾經學深明范升傳

右補諸家易二十四人

書

順陽懷侯嘉字孝孫光武族兄也少孤性仁厚與伯升

俱學長安習尚書春秋建武十五年卒本傳

鄧弘原作宏據本傳改正字叔紀和熹后兄也天資善學年十五

治歐陽尚書師事劉述常在師門布衣徒行講誦孜孜

不輟東觀漢記少授帝禁中諸儒多歸附之延平元年為侍

中遷虎賁中郎將永初元年封西平侯食邑萬戶初疾

病遺言悉以常服不得用錦衣玉匣有司奏贈弘驃騎

將軍特進封西平侯案東觀記弘薨有司復請加諡曰昭成侯太后追思弘

意不加贈位衣服但賜錢千萬布萬匹將葬有司復奏

發五營輕車騎士禮儀如霍光故事太后皆不聽但白

蓋雙騎門生輓送鄧騭傳

牟融字子優北海安丘人也少博學呂大夏侯尚書教

授門徒數百人名稱州里本傳

王良字仲子東海蘭陵人也少好學習小夏侯尚書王

莽時寢疾不仕教授諸生千餘人本傳

杜林字伯山扶風茂陵人也林少好學沈深家既多書

又外氏張竦父子喜文采林從竦受學博洽多聞時稱

通儒京師士大夫咸推其博洽河南鄭興東海衛宏等

皆長於古學興嘗師事劉歆林既遇之欣然言曰林得

興等固諧矣使宏得林且有呂益之及宏見林聞然而

服濟南徐巡始師事宏後皆更受林學林前於西川得  
漆書古文尙書一卷常寶愛之雖遭艱困握持不離身  
出曰示宏等曰林流離兵亂常恐斯經將絕何意東海  
衛子濟南徐生復能傳之是道竟不墜於地也古文雖  
不合時務然願諸生無悔所學宏巡益重之於是古文  
遂行本傳

吳良字大儀齊國臨淄人也本傳良習大夏侯尙書本傳

鮑永字君長上黨屯留人也永少有志操習歐陽尙書

傳本傳子昱字文泉少傳父學本傳

張楷字公超通嚴氏春秋古文尙書門徒常百人自父

黨夙儒借造門焉性好道術能作五里霧時關西人裴  
優亦能爲二里霧自曰不如楷從學之楷避不肯見桓  
帝卽位優遂行霧作賊事覺被考引楷言從學術楷坐  
繫廷尉詔獄積二年恆諷誦經籍作尙書注年七十終

於家本傳坐東南第凡其會百官又榮門生四百人天子

桓榮字春卿沛郡龍亢人也東觀漢記作沛國人也榮本齊人遷

於龍亢至榮六葉本傳引續漢志榮少勤學講論不怠治歐陽

尙書事九江朱文剛窮極師道東觀漢記案范書本

尙書博士九江朱普注云朱傳作少學長安習歐陽

普字公文東觀作文剛疑誤貧窶無資常客傭曰自給

精力不倦十五年不窺家園至王莽篡位乃歸會朱普

卒榮奔喪九江負土成墳因留教授徒眾數百人案本傳注

引謝承書曰榮門徒常四百餘人 莽敗天下亂榮抱其經書與弟子逃匿山谷雖常饑困而講論不輟顯宗始立為皇太子選求明經帝即召榮令說尚書甚善之案抱朴子云桓帝在東宮從榮受孝經車駕幸太學會諸博士論難於前榮被服儒衣溫恭有蘊藉辯明經義每曰禮讓相厭不曰辭長勝人儒者莫之及顯宗即位尊呂師禮甚見親重乘輿嘗幸太常府令榮坐東南設几杖會百官及榮門生數百人天子親自執業每言輒曰太師在是永平二年三雍初成拜榮為五更每大射養老禮畢帝輒引榮及弟子升堂執經自為下說傳子郁字仲恩少呂父任為郎敦厚篤學傳父業呂尚書教授門徒常數百人永平十五年入授

皇太子經初榮受朱普學章句四十萬言浮辭繁長多過其實及榮入授顯宗減為二十三萬言郁復刪省定成十二萬言由是有桓君大小太常章句傳帝自制五經章句令郁定於宣明殿中黃爽敢華嶠書曾孫鸞字始春焉傳弟子也傳鸞學覽六經莫不貫綜東觀記引元孫典字公雅復傳其家業呂尚書教授潁川門徒數百人舉孝廉為郎建安六年卒傳本

彭闕字作明桓榮傳注揚州從事舉弘桓榮傳字奉卿吳郡人也家代為冠族少有英才與桓榮相善子徽至司徒長史桓榮傳注會歐陽博士缺帝欲用榮榮叩頭讓曰臣經術淺薄不如同門生郎中彭闕揚州從事舉弘

按榮師九江朱普是彭引謝承書帝曰俞往汝諧因拜榮為博士

引閱弘為議郎桓榮傳

何湯字仲弓豫章南昌人也榮門徒常四百餘人湯為

高弟呂才明知名桓榮傳注顯宗始立為皇太子選求

明經迺擢榮弟子豫章何湯為虎賁中郎將以尚書授

太子世祖從容問湯本師為誰湯對曰事沛國桓榮桓榮傳

嘗言曰此皆何仲弓之力也桓榮傳注

丁鴻字孝公潁川定陵人也年十三從桓榮受歐陽尚

書三年而明章句善論難為都講鮑駿上書言鴻經學

至行顯帝甚賢之永平十年詔徵鴻至即召見說文侯

之命篇賜御衣及綬稟食公車與博士同禮肅宗詔鴻

與廣平王羨及諸儒樓望成封桓郁賈逵等論定五經

同異於北宮白虎觀本傳

周磐字堅伯汝南安成人也磐少游京師學古文尚書

洪範五行左氏傳好禮有行非典謨不言諸儒宗之居

貧養母儉薄不充嘗誦詩至汝墳之卒章慨然而歎迺

解韋帶就孝廉之舉及母歿服終遂廬於冢側教授門

徒常千人建光元年年七十三歲朝會集諸生講論終

日因令其二子曰若命終之日編二尺四寸簡寫堯典

一篇並刀筆各一呂置棺前示不忘聖道其月望日無

病忽終學者呂為知命焉本傳

宋意字伯志本傳南陽安眾人也宋均傳父京呂大夏侯尚

書教授至遼東太守意少傳父業本傳其民望日

寒朗字伯奇魯國薛人也及長好經學博通書傳本傳尚

書教授舉孝廉本傳平少十三歲博會東諸生論論

張禹字伯達趙國襄國人也本傳好學習歐陽尚書事太

常桓榮惡衣食本傳注引禹性篤厚節儉永平八年舉

孝廉稍遷建初中拜揚州刺史元和二年轉兗州刺史

亦有清平稱三年遷下邳相永元六年入為大司農拜

太尉和帝甚禮之永初元年呂定策功封安鄉侯食邑

千二百戶七年卒於家本傳八桂

張酺字孟侯汝南細陽人也酺少從祖父充受尚書能

傳其業又事太常桓榮勤力不怠聚徒本傳百數永平九

年顯宗為四姓小侯開學於南宮置五經師酺本傳尚書

教授數講於御前本傳論難當意除為郎遂令入授皇太

子酺為人質直守經義及肅宗即位擢酺為侍郎虎賁

中郎將數月出為東郡太守元和二年東巡狩幸東郡

引酺及門生并郡縣掾吏並會庭中帝先備弟子之儀

使酺講尚書一篇然後修君臣之禮本傳使尚書令王鮪

與酺相難本傳注引和帝初遷魏郡太守永元五年遷

酺為太僕數月代尹睦為太尉十五年復拜為光祿勳

數月代魯恭為司徒月餘薨本傳不陸卒

楊震字伯起弘農華陰人也父寶習歐陽尚書哀平之

所處光武高其節建武中公車特徵老病不到卒於家

楊震震少好學受歐陽尚書於太常桓郁按太尉碑云

陽河洛明經博覽無不窮究諸儒為之語曰關西孔子

楊伯起先是博士選舉多不目實震舉薦明經名士陳

留楊倫等顯傳學業諸儒稱之本傳子秉字叔節少傳父

業兼明京氏易博通書傳隱居教授桓帝即位以明尚

書徵入勸講本傳孫賜字伯獻少傳家學篤志博聞嘗退

居隱約教授門徒建甯初靈帝當受學詔太傅三公選

通尚書桓君章句宿有重名者三年舉賜乃侍講於華

光殿中本傳

虞詡字升卿陳國武平人也詡年十二能通尚書本傳

張奐字然明敦煌酒泉人也奐少遊三輔師事太尉朱

寵學歐陽尚書初牟氏章句浮辭繁多原注時牟卿受

士故有牟氏章句有四十五萬餘言奐減為九萬言奐閉門不

出養徒千人著尚書記難三十餘萬言光和四年卒年

七十八本傳奐詣太學受業博通五經隱處在扶風郿縣

界中立精舍斟酌法喬卿之雅訓晝誦詩書暮宿弓馬

惠引謝承書

王渙字稚子廣漢郿人也敦儒學習尚書本傳王君學通

五經論明知法本傳注引古樂府歌

索盧放字君陽東郡人也呂尚書教授千餘人獨行本傳

後漢書本傳補逸

七



朱勃字叔陽扶風茂陵人也年十二能誦詩書衣方領

能矩步辭言嫺雅 馬援傳 勃能說韓詩 馬援傳注

楊統字仲通曾祖父仲續舉河東方正拜祁令甚有德

惠人為立祠樂益部風俗因留家新都代修儒學巨夏

侯尚書相傳 楊厚傳注 引 父春卿善圖讖學為公孫述

將漢兵平蜀春卿自殺臨命戒子統曰吾綿裘中有先

祖所傳秘記為漢家用爾其修之統感父遺言服闋辭

家從隄為周循學習先法又就同郡鄭伯山受河洛書

及天文推步之術 楊厚傳 子厚少學統業精力思述 本傳

陰慶陰興子封鮪陽侯 陰興傳 慶明尚書修儒術推居第

田園奴婢悉與員丹 慶之傳 慶但佩白綬而已當代稱之

陰興傳惠引

張瑩漢南記 馮元 馮緄傳 作馮光據惠校改惠氏

善推步之術 律歷中惠引 字公信能理尚書

華陽國志 右補諸家尚書三十四人

詩

馬援字文淵扶風茂陵人也援年十二而孤少有大志

諸兄奇之嘗受齊詩 本傳 事潁川蒲昌 本傳注 引 意不

能守章句 本傳 兄子嚴字威卿嚴少孤而好學劔習騎射

後乃白援从平原楊太伯講學專心墳典能通春秋左

氏 本傳 从司徒祭酒陳元受之 本傳注 引 因覽百家羣言

遂交結英賢京師大人咸器异之永平十五年有詔留

後漢書本傳補逸

仁壽闈與校書郎杜撫班固等雜定建武注記本傳

魯恭字仲康扶風平陵人也父某建武初爲武陵太守

卒官時恭年十二弟丕七歲晝夜號踊不絕聲郡中賻

贈無所受乃歸服喪禮過成人鄉里奇之十五與母及

丕俱居太學習魯詩原注高祖時魯申公詩也閉戶誦絕人間事

兄弟俱爲諸儒所稱學士爭歸之建初初丕舉方正恭

乃始爲郡吏太傅趙熹聞而辟之肅宗集諸儒於白虎

觀恭特以經明得召與其議其後拜爲魯詩博士由是

家法學者日盛永初六年八十一卒於家本傳弟丕字叔

陵性沈深好學孳孳不倦遂杜絕交游不答候問之禮

士反常以此短之而丕欣然自得遂兼通五經以魯詩

尙書教授爲當世名儒後歸郡爲督郵功曹所事之將

無不師友待之建初元年肅宗詔舉賢良方正大司農

劉寬舉丕時對策者百有餘人唯丕在高第除爲議郎

元和元年徵再遷拜趙相門生就學者常百餘人關東

號之曰五經復興魯叔陵其後帝巡狩之趙特被引見

難問經傳厚加賞賜侍中賈逵薦丕道藝深明宜見任

用和帝因朝會詔見諸儒丕與侍中賈逵尙書令黃香

等相難數事帝善丕說罷朝特賜冠幘履襪衣一襲丕

因上疏曰臣愚頑顯備大位犬馬氣衰猥得進見論

難於前無所甄明衣服之賜誠爲優過臣聞說經者傳

先師之言非從已出不得相讓相讓則道不明若規矩

權衡之不可枉也難者必明其據說者務立其義浮華  
無用之言不陳於前故精思不勞而道術愈章法異者  
各令自說師法博觀其義覽詩人之旨意察雅頌之終  
始明舜禹皋陶之相戒顯周公箕子之所陳觀乎人文  
化成天下陛下既廣納睿謨開四聰無令芻蕘呂言  
得罪既顯巖穴呂求仁賢無使幽遠獨有遺失十三年  
遷爲侍中免永初二年詔公卿舉儒術篤學者大將軍  
鄧騭舉不再遷復爲侍中左中郎將再爲三老五年年  
七十五卒於官本傳

伏湛字惠公琅邪東武人也九世祖勝字子賤所謂濟  
南伏生者也父理爲當世名儒呂詩授成帝爲高密太

傅別自名學湛性孝友少傳父業教授數百人成帝時  
呂父任爲博士弟子本傳子無忌亦傳家學博物多識順  
帝時爲侍中屯騎校尉永和元年詔無忌與議郎黃景  
校定中書五經諸子百家藝術元嘉中桓帝復詔無忌  
與黃景崔寔等共撰漢記又自采集古今刪著事要號  
曰伏侯注伏湛傳

廉范字叔度京兆杜陵人也受業事博士薛漢按儒林傳漢傳  
魯後辟公府會薛漢坐楚王事誅故人門生莫敢視范  
獨往收斂之本傳

翟酺字子超廣漢雒人也四世傳詩酺好老子尤善圖  
緯天文厯算著援神鉤命解詁十二篇初酺之爲大匠

後漢書本傳補遺  
上言孝文皇帝始置五經博士武帝大合天下之書而  
孝宣論六經於石渠學者滋盛弟子萬數光武初興愍  
其荒廢起太學博士舍內外講堂諸生橫卷爲海內所  
集明帝時辟雍始成欲毀太學太尉趙熹曰爲太學辟  
雍皆宜兼存故竝傳至今而頃者頽廢至爲園採芻牧  
之處宜更修繕誘進後學帝從之黜免後遂起太學更  
開拓房室學者爲黼立碑銘於學云本傳  
宗正劉方宗室之表善爲詩經桓郁傳  
李恂字叔英安定臨涇人也少習韓詩教授諸生常數  
百人後拜侍御史持節使幽州所過皆圖寫山川屯田  
聚落百餘卷悉封奏上肅宗嘉之拜兗州刺史遷武威

太守後坐事免步歸鄉里潛居山澤結草爲廬獨與諸  
生織席自給年九十六卒本傳

李業字巨游廣漢梓潼人也少有志操介特習魯詩師  
博士許晃元始中舉明經除爲郎獨行本傳

王阜南蠻西南夷傳作王追據惠氏校改惠氏曰王阜  
漢書作王追眾漢書及華陽國志均作王阜范史  
不爲世公立傳僅一見於西南夷傳章懷又略而不注  
傳寫既久謬阜爲追遂使學者不知有世公名字可概

也字世公成都人也太守第五倫察舉孝廉爲重泉令  
吏民向化鸞鳥集於學宮惠引東觀記阜好經學從安定受

韓詩年十七經學大就聲聞鄉里南蠻西南夷傳  
右補諸家詩十二人惠引謝承書

禮

後漢儒林傳禮選  
曹褒字叔通魯國薛人也父充持慶氏禮建武中爲博士從巡狩岱宗定封禪禮還受詔議立七廟三雍大射養老禮儀顯宗卽位充上言漢再受命仍有封禪之事而禮樂崩闕不可爲後嗣法五帝不相沿樂三王不相襲禮大漢當自制禮曰示百世帝問制禮樂云何充對曰河圖括地象曰有漢世禮樂文雅出尙書璇璣鈴曰有帝漢出德洽作樂名予帝善之下詔曰今且改太樂官曰太子樂歌詩曲操曰俟君子拜充侍中作章句辯難於是遂有慶氏學褒少篤志有大度結髮傳充業博雅疎通尤好禮事常感朝廷制度未備慕叔孫通爲漢禮儀晝夜研精沈吟專思寢則懷抱筆札行則誦習文

書當其念至忘所之適章和元年正月召褒詣嘉德門令小黃門持班固所上叔孫通漢儀十二篇敕褒曰此制散略多不合經今宜依禮條正使可施行褒旣受命迺次序禮事依準舊典雜呂五經織記之文撰次天子至於庶人冠婚吉凶終始制度呂爲百五十篇和帝卽位褒迺爲作章句褒博物識古爲儒者宗作通義十二篇演經雜論百二十篇又傳禮記四十九篇教授諸生千餘人慶氏學遂行於世

本傳

劉茂字子衛太原晉陽人也少孤獨與母居家貧呂筋力致養孝行著於鄉里及長能習禮經教授常數百人

獨行本傳

右補諸家禮二人

春秋

來歙字君叔南陽新野人也本傳慷慨有大志治左氏春

秋惠引東觀記

寇恂字子翼上谷昌平人也素好學乃修鄉校教生徒

聘能為左氏春秋者親受學焉經明行修名重朝廷本傳

馮異字公孫潁川父城人也好讀書通左氏春秋孫子

兵法本傳

侯霸字君房河南密人也霸矜嚴有威容家累千金不

事產業篤志好學師事九江太守房元治穀梁春秋為

元都講本傳

承宮字少子琅邪姑幕人也鄉里徐子盛者曰春秋經

授諸生數百人宮過息廬下樂其業因就聽經遂請留

門下為諸生拾薪執苦數年勤學不倦經典既明乃歸

家教授遭天下喪亂遂將諸生避地漢中建初元年卒

本傳

孔奮字君魚扶風茂陵人也奮少從劉歆受春秋左氏

傳歆稱之謂門人曰吾已從君魚受道矣本傳弟奇游學

洛陽博通經典作春秋左氏刪奮晚有子嘉官至

城門校尉作左氏說云孔奮傳

樊儵字長魚就侍中丁恭受公羊嚴氏春秋永平元年

拜長水校尉與公卿雜定郊祠禮儀曰識記正五經異

說北海周澤琅邪承宮並海內大儒儵皆曰為師友而致之於朝初儵刪定公羊嚴氏春秋章句世號樊侯學教授門徒前後三千餘人弟子潁川李修九江夏勤皆為三公本傳

鄭興字少贛河南開封人也少學公羊春秋晚善左氏案東觀記云從博士金子嚴為左氏春秋遂積精深思通達其旨同學者皆師之天鳳中將門人從劉歆講正大義原注左氏義也歆美興才使撰條例章句訓詁及校三統歷侍御史杜林先與興同寓隴西迺薦之曰竊見河南鄭興執義堅固敦悅詩書好古博物見疑不惑有公孫僑觀射父之德宜侍帷幄典職機密昔張仲在周燕翼宣王而詩人悅喜

惟陛下留聽少察曰助萬分迺徵為太中大夫帝嘗問興郊祀事曰吾欲曰讖斷之何如興對曰臣不為讖帝怒曰卿之不為讖非之耶興惶恐曰臣於書有所未學而無所非也帝意乃解興數言政事依經守義文章溫雅然曰不善讖故不能任興好古學尤明左氏周官長於歷數自杜林桓譚衛宏之屬莫不斟酌焉世言左氏者多祖於興而賈逵自傳其父業故有鄭賈之學卒於家本傳王莽時劉歆為國師始建立周官經曰為周禮河南綖氏杜子春受業於歆還家曰教門徒好學之士鄭興父子等多往師之惠引經典序錄子眾字仲師年十二從父受左氏春秋精力於學明三統歷作春秋難記條例兼

通易詩知名於世受詔作春秋刪十九篇八年卒官傳本

廬江獻鼎有詔召眾問齊桓公之鼎在柏寢臺見何書

春秋左氏有鼎事幾眾對狀除郎中惠引東觀記眾春秋左

氏傳條例九卷惠引經籍志

陳元字長生蒼梧廣信人也元少傳父業為之訓詁銳

精覃思至不與鄉里通呂父任為郎建武初元與桓譚

杜林鄭興俱為學者時議欲立左氏傳博士范升奏呂

為左氏淺末不宜立元聞之迺詣闕上疏曰陛下撥亂

反正文武並用深愍經藝謬雜真偽錯亂每臨朝日輒

延羣臣講論聖道知臣明至賢親受孔子而公羊穀梁

傳聞於後世故詔立左氏博詢可否示不專已盡之羣

下也今論者沈溺所習翫守舊聞固執虛言傳受之辭

呂非親見實事之道左氏孤學少與遂為異家之所覆

冒夫至音不合眾聽故伯牙絕絃至寶不同眾好故卞

和泣血仲尼聖德而不容於世況於竹帛餘文其為雷

司者所排固其宜也非陛下至明孰能察之臣元竊見

博士范升等所議奏左氏春秋不可立及太史公違戾

凡四十五事案升等所言前後相違皆斷截小文媒黷

微辭呂年數小差掇為巨謬遺脫纖微指為大尤抉瑕

擿釁掩其弘美所謂小辯破言小言破道者也升等又

曰先帝不呂左氏為經故不置博士後主所宜因襲臣

愚曰為若先帝所行而後主必行者則盤庚不當遷於



殷周公不當營洛邑陛下不當都山東也往者孝武皇帝好公羊衛太子好穀梁有詔詔太子受公羊不得受穀梁孝宣皇帝在人間時聞衛太子好穀梁於是獨學之及卽位爲石渠論而穀梁氏興至今與公羊並存此先帝後帝各有所立不必其相因也孔子曰純儉吾從衆至於拜下則違之夫明者獨見不惑於朱紫聽者獨聞不謬於清濁故離朱不爲巧眩移目師曠不爲新聲易耳方今干戈少弭戎事略戢留思聖藝眷顧儒雅採孔子下拜之義卒淵聖獨見之旨分明墨白建立左氏解釋先聖之積結淘汰學者之累惑使基業垂於萬世後進無復狐疑則天下幸甚臣元愚鄙嘗傳師言如得

呂褐衣召見俯伏庭下誦孔子之正道理丘明之宿寃若辭不合經事不稽古退就重誅雖死之日生之年也書奏下其議范升復與元相辯難凡十餘上帝卒立左氏學太常選博士四人元爲第一帝呂元新忿爭迺用其次司隸從事李封於是諸儒呂左氏之立論議謹譁自公卿以下數廷爭之會封病卒左氏復廢元後復辟司徒歐陽歙府數陳當世便事郊廟之禮帝不能用呂病去年老卒於家

本傳

賈逵字景伯扶風平陵人也父徽從劉歆受左氏春秋兼習國語周官又受古文尙書於塗擘學毛詩於謝曼卿作左氏條例二十一篇逵悉傳父業弱冠能誦左氏

傳及五經本文曰大夏侯尙書教授東觀漢記作大小夏侯雖為

古學兼通五家穀梁之說原注五家謂尹更始劉向周慶丁姓王彥等皆為穀梁見

前書也自為兒童常在太學不通人間事身長八尺二寸

諸儒為之語曰問事不休賈長頭性愷悌多智思傲儻

有大節尤明左氏傳國語為之解詁五十一篇原注左氏三十

篇國語二永平中上疏獻之顯宗重其書寫藏秘館與

班固竝校秘書應對左右肅宗立降意儒術特好古文

尙書左氏傳建初元年詔遠入講北宮白虎觀南宮雲

臺帝善達說使出左氏傳大義長於二傳者遠於是具

條奏之曰臣謹擿出左氏三十事尤著明者斯皆君臣

之正義父子之紀綱其餘同公羊者十有七八或文簡

小異無害大體至如祭仲紀季伍子胥叔術之屬左氏

義深於君父公羊多任於權變其相殊絕固已甚遠而

冤抑積久莫肯分明臣呂永平中上言左氏與圖讖合

者先帝不遺芻蕘省納臣言寫其傳詒藏之秘書建平

中侍中劉歆欲立左氏不先暴論大義而輕移太常侍

其義長詆挫諸儒諸儒內懷不服相與排之孝哀皇帝

重逆眾心故出歆為河內太守從是攻擊左氏遂為重

讐至光武皇帝奮獨見之明興立左氏穀梁會二家先

師不曉圖讖故令中道而廢凡所呂存先王之道者要

在安上理民也今左氏崇君父卑臣子強幹弱枝勸善

戒惡至明至切至直至順且三代異物損益隨時故先

帝博觀異家各有所採易有施孟復立梁丘尚書歐陽復有大小夏侯今三傳之異亦猶是也又五經家皆無曰證圖識明劉氏爲堯後者而左氏獨有明文五經家皆言顓頊代黃帝而堯不得有火德左氏曰爲少昊代黃帝卽圖識所謂帝宣也如令堯不得爲火則漢不得爲赤其所發明補益實多陛下通天然之明建大聖之本改元正厯垂萬世則是曰麟鳳百數嘉瑞雜遝猶朝夕恪勤游情六藝研機綜微靡不審覈若復留意廢學曰廣聖見庶幾無所遺失矣書奏帝嘉之賜布五百匹布一襲令達自選公羊嚴顏諸生高才者二十人教曰左氏與簡紙經傳各一通達數爲帝言古文尚書與經

傳爾雅詁訓相應詔令撰歐陽大小夏侯尚書古文同異達集爲三卷帝善之復令撰齊魯韓詩與毛氏異同并作周官解故遷達爲衛士令八年迺詔諸儒各選高才生受左氏穀梁春秋古文尚書毛詩由是四經遂行於世皆拜達所選弟子及門生爲千乘王國郎朝夕受業黃門署學者皆欣羨慕焉達所著經傳義詁及論難百餘萬言又作詩頌誄書連珠酒令凡九篇學者宗之後世稱爲通儒永元十三年卒時年七十二本傳張霸字伯饒蜀郡成都人也七歲通春秋復欲進餘經父母曰汝小未能也霸曰我饒爲之故字曰饒焉後就長水校尉樊儵受嚴氏公羊春秋遂博覽五經諸生孫

林劉固段著等慕之各市宅其傍呂就學焉永元中爲  
會稽太守郡中爭厲志節習經者呂千數道路但聞誦  
聲初霸呂樊儵刪嚴氏春秋猶多繁辭迺減定爲二十  
萬言更名張氏學卒年七十本傳  
楊終字子山蜀郡成都人也年十三爲郡小吏太守奇  
其才遣詣京師受業習春秋終言宣帝博徵羣儒論定  
五經於石渠閣方今天下少事學者得成其業而章句  
之徒破壞大體宜如石渠故事永爲後世則於是詔諸  
儒於白虎觀論考同異焉會終坐事繫獄博士趙博校  
書郎班固賈逵等呂終深曉春秋學多異聞表請之終  
又上書自訟卽日貰出乃得與於白虎觀焉後受詔刪

太史公書爲十餘萬言著春秋外傳十二篇改定章句  
十五萬言永元十二年呂病卒本傳

班超字仲升扶風平陵人也爲人有大志不修細節然  
內孝謹居家常執勤苦不恥勞辱有口辯而涉獵書傳

本傳超持公羊春秋多所窺覽本傳注引東觀記

延篤字叔堅南陽犍人也少從潁川唐溪典受左氏傳  
本傳篤欲寫左氏傳無紙唐溪典呂廢牋記與之篤呂牋

記紙不可寫傳乃借本諷之糧盡辭歸典曰卿欲寫傳  
何故辭歸篤曰已諷之矣典聞之歎曰嗟乎延生雖復  
端木聞一知二未足爲喻若使尼父更起於洙泗君當  
編名七十與游夏爭匹也本傳注引先賢行狀又從馬融受業博

通經傳及百家之言永康元年卒於家篤論解經傳多所駁正後儒服虔等曰為折中所著詩論銘書應訊表

教令凡二十篇本傳

魏朗字少英會稽上虞人也从博士郤仲信學春秋圖

緯原注孔子作春秋緯十二篇又詣太學授五經京師長者李膺之

徒爭從之黨錮本傳

郭泰字林宗太原界休人也就成皋屈伯彥學本傳泰與

同縣宗仲至京師從屈伯彥學春秋博洽無不通惠引高士傳

李章字第公河內懷人也章習嚴氏春秋經明教授歷

州郡吏酷吏本傳

逢萌字子慶北海都昌人也家貧給事縣為亭長時尉

行過亭萌候迎拜謁既而擲楯歎曰大丈夫安能為人

役哉遂去之長安學通春秋經逸民本傳

北海敬王睦少好學博通書傳光武愛之睦性謙恭好

士千里交結自名儒宿德莫不造門然性好讀書常為

愛翫能屬文作春秋旨義終始論及賦頌數十篇立十

年薨又善史書及寢病帝驛馬令作草書尺牘十首北海

靜王興傳

金子嚴為左氏春秋鄭興傳注

趙牧彭城靖王恭國相彭城靖王恭傳字仲師長安人少知名

呂公正稱修春秋事樂恢彭城靖王恭傳

王輔字公助平陸人也樊英傳作東平王輔學公羊傳援神契嘗

隱居野廬明道自娛辟公府舉有道對策拜郎中陳災

異甄吉凶有驗拜議郎有病遜安帝公車徵不行卒於

家樊英傳注引謝承書

任棠字季卿少有奇節自春秋教授隱身不仕詔徵不

至及卒鄉人圖畫其形至今稱任徵君也高士傳

右補諸家春秋二十六人

孟子

趙岐字邠卿京兆長陵也少明經有才藝多所述著作

孟子章句本傳

右補諸家孟子一人

爾雅

竇攸篤學舉孝廉為郎世祖會百僚於靈台得鼠似豹

文問羣臣攸曰鼯鼠詔曰何呂見知曰見爾雅詔書如

攸言賜帛三百敕諸王子從攸受爾雅黃啟華嶠書

中黃門李巡稱為清忠在里巷不爭威權巡自為諸博

士試甲乙科爭第高下更相告言至有行賂改蘭台漆

書經字呂合其私者乃白帝與諸儒共刻五經文於石

巡注爾雅三卷惠引經籍志

右補諸家爾雅二人

兼經

賈復字君文南陽冠軍人也少好學習尚書事舞陰李

生李生奇之謂門人曰賈君之容貌志氣如此而勤於

學將相之器也傳本復闔門養威重受易經知大義本傳注引

東觀復為人剛毅方直多大節建武三十一年卒諡曰

剛侯傳本孫宗字武儒性方正為長水校尉奉職愛士上

美宗既有武節又兼經術每宴會令於當世大儒司徒

丁鴻問難經傳惠引東章和二年卒朝廷愍惜焉傳本

耿弇字伯昭扶風茂陵人也傳本弇少學詩禮明銳有權

謀本傳注引袁崧書

卓茂字子康南陽宛人也茂元帝時學於長安事博士

江生原注江生魯人江翁也昭帝時為博士號魯詩宗見前書習詩禮及厯算究極

師法稱為通儒後曰儒術舉為侍郎給事黃門遷密令

傳本劉寬字文饒弘農華陰人也傳本寬少學歐陽尚書京氏

易尤明韓詩外傳星官風隅算厯皆極究師法稱為通

儒未嘗與人爭勢利之事也本傳注引靈帝頗好學藝

每引見寬常令講經中平二年卒年六十六傳本

趙典字仲經蜀郡成都人也桓帝立呂定策封廚亭侯

博學經書弟子自遠方至傳本典學孔子七經河圖洛書

內外藝術靡不貫綜受業者百餘人桓帝公車徵對策

為諸儒之表天子宗典道懿尊為國師本傳注引朝廷

每有災異疑議輒咨問之典據經正對無所曲折每得

賞賜輒分與諸生之貧者傳本

桓譚字君山沛國相人也博學多通徧習五經皆詁訓大義不為章句能文章尤好古學數從劉歆楊雄辨析疑義著書言當世行事二十九篇號曰新論琴道一篇未成肅宗使班固續成之所著賦誄書奏凡二十六篇

本傳

馮豹字仲文長好儒學呂詩春秋教麗山下時人為之

語曰道德彬彬馮仲文本傳

鄧暉字君章汝南西平人也及長理韓詩嚴氏春秋明

天文歷數後暉授皇太子韓詩侍講殿中本傳

杜喬字叔榮河內林慮人也本傳喬少好學治韓詩京氏

易歐陽尚書曰孝稱雖二千石子常步擔求師本傳引續漢

書

宋均字叔庠南陽安眾人也均呂父任為郎時年十五

好經書每休沐日輒受業博士通詩禮善論難本傳

馮緄字鴻卿巴郡宕渠人也本傳學公羊春秋本傳注引

朱穆字公叔南陽宛人也本傳穆有英才學明五經本傳注引

謝承書

樂恢字伯奇京兆長陵人也恢長好經學事博士焦永

承為河東太守恢隨之官閉廬精誦不交人物遂篤志

為名儒本傳

胡廣字伯始南郡華容人也少孤貧親執家苦本傳廣有

雅才學究五經古今術藝皆畢覽之年二十七舉孝廉



本傳注引 既到京師試呂章奏安帝呂廣為天下第一

謝承書 年八十二熹平元年薨初楊雄依虞箴作十二州二十

五官箴其九箴亡闕後涿郡崔駰及子瑗又臨邑侯劉

駒除增補十六篇廣復繼作四篇文甚典美乃悉撰次

首目為之解釋名曰百官箴凡四十八篇其餘所著詩

賦銘頌箴弔及諸解詁凡二十二篇本傳

橋玄字公祖梁國睢陽人也七世祖仁從同郡戴德學

著禮記章句四十九篇號曰橋君學成帝時為大鴻臚

本傳 玄少治禮及嚴氏春秋惠引續漢志

崔駰字亭伯涿郡安平人也駰年十三能通詩易春秋

博學有偉才盡通古今訓詁百家之言永元四年卒本傳

子瑗字子玉早孤銳志好學盡能傳其父業年十八至

京師从侍中賈逵質正大義逵善待之瑗因留游學遂

明天官歷數京房易傳六日七分諸儒宗之與扶風馬

融南陽張衡篤相交好本傳

周燮字彥祖汝南安城人也十歲就學能通詩論及長

專精禮易不讀非聖之書本傳

徐穉字孺子豫章南昌人也本傳少為諸生學嚴氏春秋

京氏易歐陽尚書兼綜風角星官算歷河圖七緯推步

變易異行矯時俗閭里服其德化本傳注引卒年七十

本傳

姜肱字伯淮彭城廣戚人也肱博通五經兼明星緯士

之遠來就學者三千餘人傳本

申屠蟠字子龍陳留外黃人也隱居精學博貫五經兼

明圖緯傳本治京氏易嚴氏春秋小戴禮三業先通因博

貫五經惠引高士傳

劉陶字子奇一名偉潁川定陰人也陶明尚書春秋為

之訓詁推三家尚書原注三家謂夏侯建夏侯勝歐陽和伯也及古文是正

文字三百餘事名曰中文尚書傳本

馬融字季長扶風茂陵人也初京兆犖恂曰儒術教授

隱於南山融從其游博通經籍才高博洽為世通儒施

養諸生常有千數涿郡盧植北海鄭玄皆其徒也善鼓

琴好吹笛達生任性不拘儒者之節居宇器服多存侈

飾常坐高堂施絳紗帳前授生徒後列女樂弟子曰次

相傳鮮有入其室者嘗欲訓左氏春秋及見賈逵鄭眾

注乃曰賈君精而不博鄭君博而不精既精且博吾何

加焉但著三傳異同說注孝經論語詩易三禮尚書列

女傳老子淮南子離騷所著賦頌碑誄書記表奏七言

琴歌對策遺令凡二十一篇年八十八延熹九年卒於

家傳本

鄭玄字康成北海高密人也造太學受業師事京兆第

五元先始通京氏易公羊春秋三統歷九章算術又從

東郡張恭祖受周官禮記左氏春秋韓詩古文尚書曰

山東無足問者乃西入關因涿郡盧植事扶風馬融融

後漢書本傳卷之三  
門徒四百餘人升堂進者五十餘生融素驕貴玄在門  
下三年不得見迺使高業弟子傳受於玄玄日夜尋誦  
未嘗怠倦會融集諸生考論圖緯聞玄善算迺召見於  
樓上玄因從質諸疑義問畢辭歸融喟然謂門人曰鄭  
生今去吾道東矣時任城何休好公羊學遂著公羊墨  
守左氏膏肓穀梁廢疾玄迺發墨守鍼膏肓起廢疾休  
見而歎曰康成入吾室操吾矛曰伐吾矣卒年七十四  
自郡守呂下嘗受業者纒經赴會千餘人門人相與撰  
玄答諸弟子問五經依論語作鄭志入篇凡玄所注周  
易尚書毛詩儀禮禮記論語孝經尚書大傳中候乾象  
歷又著天文七政論魯禮禘祫義六藝論毛詩譜駁許

慎五經異義答臨孝存周禮難凡百餘萬言玄質於辭  
訓通人頗譏其繁至於經傳洽孰稱爲純儒齊魯閒宗  
之其門人郗慮王基崔珍著名於世國淵任嘏時並童  
幼玄稱淵爲國器嘏有道德

傳本

盧植字子幹涿郡涿人也少與鄭玄俱事馬融能通古  
今學好研精而不守章句學終辭歸闔門教授性剛毅  
有大節常懷濟世志不好辭賦作尚書章句三禮解詁  
時始立太學石經呂正五經文字植乃上書曰臣少從  
通儒故南郡太守馬融受古學頗知今之禮記特多回  
穴臣前呂周禮諸經發起糝謬敢率愚淺爲之解詁而  
家乏無力供繕寫上願得將能書生二人共詣東觀就

官財糧專心研精合尚書章句考禮記失得庶裁定聖  
典刊正碑文古文科斗近於爲實而厭抑流俗降在小  
學中興呂來通儒達士班固賈逵鄭興父子並敦悅之  
今毛詩左氏周禮各有傳記其與春秋共相表裏宜置  
博士爲立學官呂助後來呂廣聖意初平三年卒本傳  
注禮記十卷惠引經籍志

蔡邕字伯喈陳留人也拜郎中校書東觀邕呂經籍去  
聖久遠文字多謬俗儒穿鑿疑誤後學乃奏求正定六  
經文字靈帝許之邕乃自書丹於碑使工鐫刻立於太  
學門外於是後儒晚學咸取正焉詔呂邕經學深奧指  
陳政要具對經術本傳邕撰月令章句十二卷勸學一卷

惠引經籍志

周舉字宣光姿貌短陋而博學洽聞爲儒者所宗故京  
師爲之語曰五經縱橫周宣光本傳

荀爽字慈明一名諲幼而好學年十二能通春秋論語  
太尉杜喬見而稱之曰可爲人師爽遂耽思經書慶弔  
不行徵命不應潁川爲之語曰荀氏八龍慈明無雙薨  
年六十三著禮易傳詩傳尚書正經春秋條例又集漢  
事成敗可爲鑒戒者謂之漢語又作公羊問及辯讖并  
它所論敘題爲新書凡百餘篇今多所亡缺本傳兄子悅  
字仲豫儉之子也儉早卒悅年十二能說春秋家貧無  
書每之人閒所見篇牘一覽多能誦記性沈靜美姿容

尤好著述

本傳

李固字子堅漢中南鄭人也司徒郃之子也本傳固學五

經積十五年博覽古今明於風角星算河圖讖緯俯察

仰占窮神知變本傳注引

謝承書

劉淑字仲承河間樂承人也淑學明五經隱居立精舍

講授諸生常數百人州郡禮請五府連辟並不就本傳

劉祐字伯祖中山安國人也黨錮祐宗室胤緒代有名

本傳

位少修操行學嚴氏春秋小戴禮古文尚書本傳注引

謝承書

岑暉字孝公南陽棘陽人也本傳暉高才絕人五經六藝

無不洞貫

惠引袁山松書

任延字長孫南陽宛人也年十二為諸生學於長安明

詩易春秋顯名太學學中號為任聖童

循吏本傳治京易惠引

續漢書

夏恭字敬公梁國蒙人也習韓詩孟氏易講授門徒常

千餘人四十九卒諸儒共諡曰宣明君文苑本傳子牙少習

家業著賦頌讚誄凡四十篇舉孝廉早卒鄉人號曰文

德先生

夏恭傳

譙玄字君黃巴郡閬中人也少好學能說易春秋仕於

州郡成帝永始二年有日食之災乃詔舉敦樸遜讓有

行義者各一人州舉玄詣公車對策高第拜議郎獨行本傳

子瑛善說易呂授顯宗為北宮衛士令譙玄傳

陳重字景公豫章宜春人也獨行陳重傳雷義字仲公豫章

後漢書本傳補逸

三

鄱陽人也獨行雷義傳重少與同郡雷義為友俱學魯詩顏

氏春秋獨行陳重傳

范冉字子雲冉一作丹陳留外黃人也年十八到南陽受業

於樊英又游三輔就馬融通經本傳丹學通三經惠引陳留者舊

傳丹涉五經悅書傳尤篤易與尚書惠引貞節先生碑

李邵字孟節漢中南鄭人也父頡呂儒學稱邵襲父業

遊太學通五經善河洛風星本傳

廖扶字文起汝南平輿人也習韓詩歐陽尚書教授常

數百人遂絕志世外專精經典尤明天文讖緯風角推

步之術時人因號為北郭先生年八十終於家方術本傳

公沙穆字文义北海膠東人也家貧賤自為兒童不好

戲弄長習韓詩公羊春秋尤銳思河洛推步之術方術本傳

唐檀宇子產豫章南昌人也少遊太學習京氏易韓詩

顏氏春秋尤好災異星占後還鄉里教授常百餘人著

書二十八篇名為唐子卒於家本傳

井丹字大椿扶風郿人也少受業太學通五經善談論

故京師為之語曰五經紛綸井大椿性清高未嘗修刺

候人本傳

梁鴻字伯鸞扶風平陵人也受業太學家貧而尚節介

博覽無不通而不為章句學本傳鴻治詩禮春秋嘗獨止

不與人同食比舍先炊已呼鴻及熱釜炊鴻曰童子不

因人熱者也滅竈更然火惠引東觀記

法真字高卿扶風郿人南郡太守雄之子也好學而無

常家傳本真少明五經兼通讖緯惠引三輔決錄注

徐淑字伯進寬裕博學習孟氏易春秋公羊傳禮記周

官善誦太公六韜交接英雄常有壯志徐珍傳注引謝承書

馬續字季則七歲能通論語十三明尚書十六治詩博

觀羣籍善九章算術馬嚴傳

韋著字休明京兆杜陵人也少呂經行知名不應州郡

之命韋彪傳著少修節操持京氏易韓詩博通術藝徐稭傳注

李咸字元卓汝南西平人也孤特自立家貧母老常躬

耕稼呂奉養學魯詩春秋公羊傳三禮三府並辟司徒

胡廣舉茂才除高密令政多奇異胡廣傳注引謝承書

杜真字孟宗廣漢縣竹人也少有孝行習易春秋誦百

萬言兄事同郡翟圃翟圃傳注引益都耆舊傳

摯恂京兆人馬融注字季直馬融傳注引三輔決錄伯陵十二世孫

也明禮易遂治五經博通百家之言又善屬文詞論清

美渭濱弟子扶風馬融沛國桓麟自遠方至者十餘人

嘗慕先生之高遂隱於南山之陰恂呂女妻融後果為

大儒當世呂是服恂之知人永和中公車徵不詣大將

軍竇武舉賢良不就呂壽終三輔稱焉馬融傳惠引高士傳

宗資字叔都南陽安眾人也資少在京師學孟氏易歐

陽尚書舉孝廉拜議郎補御史中丞汝南太守署范滂

後漢傳本傳和選  
為功曹委任政事推功於滂不伐其美任善之名聞於海內也黨錮傳論注

王奐字子昌河內武德人也明五經負笈追業常灌園

恥交勢利范冉傳注

孔喬字子松宛人也學古文尚書春秋左氏傳常幽居

修志銳意典籍至九歷年身不出門鄉里莫得瞻見公

車徵不行卒於家樊英傳注

李炳樊英傳字子然鄧人也篤行好學不羨榮祿習魯

詩京氏易室家相待如賓州郡前後禮請不應舉茂才

除召陵令不到官公車徵不行樊英傳注

尹珍字道真毋斂縣人也南蠻西南夷夜郎珍自呂生

於荒裔不知禮義乃從汝南許慎應奉受經書圖緯學

成還鄉里教授於是南域始有學焉珍官至荊州刺史

南蠻西珍南夷傳目經術選用歷尚書丞郎荊州刺史惠引華

孫晨字元公為鉅鹿太守寶之子家貧不仕居杜城中

織箕為業明詩書為郡功曹冬日無被有藁一束暮臥

其中旦收之將軍馬防聞名餽錢四百萬晨不敢拒受

而埋之閣內黃載三

辛繕字公文少治春秋詩易隱居宏農華陰弟子受業

者六百餘人居旁有白鹿甚馴不畏人繕治春秋讖緯

隱居華陰光武徵不至有大鳥高五尺雞首鵝領蛇頸

魚尾五色備舉而多青棲繕槐樹旬時不去宏農太守



呂聞詔問百僚咸曰爲鳳黃載三輔決錄

楊克字盛國梓潼人也少好學求師遂業受古學於扶

風馬季常呂叔恭南陽朱明叔潁川白仲職精究七經

教授州里常言圖緯空說去事希略疑非聖不曰爲教

察孝廉爲郎卒常璩梓潼志

右補諸家兼經六十三人

後漢儒林傳補逸終

右補後漢儒林計百六十四人其餘單詞片語見於紀載者如劉元劉盆子傳惠氏補注引東觀記云呂植通禮經爲謁者未著其爵里鄧騭傳惠引謝承書云杜伯夷經學稱於師門考范書伯夷名安卽根之父而未言通何經呂及余氏古經解鈎沈趙氏漢儒傳經記錢氏補續漢書藝文志其中諸易家如戴賓鮒陽鴻徐淑董扶虞先崔篆張滿許峻魏滿等人諸尙書家如禮震黃瓊虞放陳翼劉愷巴茂朱倂胡憲鮑俊王良徐巡等人諸詩家如王伉趙長君侯包呂叔玉澹臺敬伯韓伯高等人諸禮家如崔寔阮湛等人諸春秋家如王玠李譔許淑樂洋戴宏等人諸論語家麻達孟子家劉熙孝經

家如高誘宋均等人爾雅家如樊光孫炎等人東京儒  
林由茲其選此類甚多第其中或書闕有閒或有待蒐  
討編輯竣事略為擴摭附著篇末焉

後漢書卷之六十四  
其書闕有閒或有待蒐  
討編輯竣事略為擴摭  
附著篇末焉

續後漢  
儒林傳  
補後漢

光緒二十二年十月  
下旬通州  
張憲書  
端

續後漢儒林傳補逸

儒術之盛維漢東京蔚宗之書遂傳儒林補其逸者  
曰田先生理而董之責在後人豐碑巨碣闕焉未甄  
焉采歐洪著錄具陳存以目治止則百間儒言儒行  
庶幾不湮媿茲譾陋赤水遺珠以俟達者祛其蔽云  
南陵徐乃昌

景君治歐陽尚書傳祖父河南尹父步兵校尉業門徒  
上錄三千餘人明明側陋遠近照聞司聘請流化下  
邳未極考績續母棄之子無隨沒俯就禮畢故府復請  
司空竝舉高經君爲其元假涂郟姦邪洒心澄激清  
靜英書褒歎年黃耆終始無愆

續後漢儒林傳補逸

郟令景君闕銘

嚴訢字少通兆自楚炷祖孝相承招命道術治嚴氏春  
秋馮君章句眾書淵靡不覽幼為郡椽史會稽諸  
暨尉守烏程毘陵餘暨章安山陰長以病去官後為丹  
陽陵陽丞守春穀長舉廉遷東牟侯相下邳祝長典牧  
十城所在若神年六十九嚴訢碑  
武梁字綏宗體德忠孝岐嶷有異治韓詩經闕憤傳講  
兼通河雒諸子傳記廣學甄徹窮綜典靡不覽州  
郡請召辭疾不就安衡門之陋樂朝聞之義誨人以道  
臨川不倦恥世雷同不闕權門年踰從心執節抱介終  
始不僣弥弥蓋固大位不濟為眾所傷年七十四元嘉  
元年季夏三日隕靈從事武梁碑

馬江字元海濟陽乘氏人之長孫湯官丞之元  
子其先帝顓頊翳嬴之後世在趙國以功封趙賜號馬  
服因遂氏焉暨於君身乾靈特挺岐嶷有度立然清妙  
長有令稱通韓詩經贊業聖典左書右琴明於光上之  
術顯於君臣之道和平元年舉孝廉除郎中元嘉三年  
正失貞幹仕喪儀宗郎中馬江碑  
王政字季輔漢中太子之孫從事掾之第三子也姿履  
穆之操愛敬以事生哀憾以送終奉歐  
陽尚書研典賁侃上州辟從孝廉除郎中年  
五十以元嘉三年卒郎中王政碑  
丁魴字叔河君往知形九德就穆耽樂術藝文雅少

疇治易韓詩垂意春秋兼究秘恩加一郡三載功成

遷廣漢廣漢屬國都尉丁飭碑

孔穌修春秋嚴氏經通高第事親至孝能奉先聖之禮  
孔廟置守廟百石孔穌碑

孔宙字季將孔子十九世之孫也天姿醇嘏齊聖逢道  
少習家訓治嚴氏春秋緝熙之業既就而閨闈之行允  
恭德音孔昭遂舉孝廉除郎中都昌長遷元城令泰山  
都尉孔宙碑

孔褒字文禮孔子廿世孫泰山都尉之元子也  
以繼德前葉清和挺懿固天  
治家業春秋綜極典篇籍靡遺

琦勇眇為淵為林博學多識  
孝廉從事豫州從事孔褒碑

孔謙字德讓宣尼公廿世孫都尉君之子也多體蘭石  
自然之姿長膺清少孝及之行禮述家業修春秋經升  
堂講誦深究聖指弱冠而仕歷郡諸曹史季卅四永興  
二年七月遭疾不祿孔謙碣

鄭固字伯堅著君元子也含中和之淑質履上仁  
孝友著乎閨門至行立乎鄉黨初受業於歐陽遂窮  
究於典籍膺游夏之文學襄冉季之政事仕郡吏諸曹  
椽史主簿督郵五官掾功曹延熹元年詔拜郎中年卅  
二遭命隕身郎中鄭固碑

田君家于東平陽君搃角修韓詩京氏易究洞神變窮  
奧極微為五君掾功曹州從事辟太尉延熹二年泰山  
琅邪盜賊未息時牧劉君知君宿操表上試守費田君  
碑

樊安字子仲南陽湖陽人也君弟呂好學治韓詩論語  
孝經兼通記傳古今異義甘貧樂約意不回二拜小黃  
門遷臧府令中常侍年五十六呂永壽四年二月甲辰  
卒中常侍樊安碑

王純字伯敦魏郡太守之子厥祖儒宗□□春秋君天  
資才敏行不磨而達學不勞而能遵父業術永和二年  
察孝廉除郎謁者出將征西君請記表豫督取軍糧拜

守宮令以父司隸還謁者官遷左都侯喪父服除復拜  
郎敬北□□失妹甯伯司空辟舉高第選侍御史出  
使揚州旋拜徐州換在冀州去官却歸年五十九延熹  
四年隕徂冀州刺史王純碑

濟陰太守河南匡師孟府君諱郁字敬達治尚書經博  
覽眾文天姿瑋度體性溫仁闕極道之要妙游觀六藝  
之原濟陰太守孟郁修堯廟碑

武榮字舍和治魯詩經章君章句闕憤傳講孝經論語  
漢書史記左氏國語廣學甄微靡不貫綜久旌大學  
然高厲羸於雙匹學優則仕為州書佐郡曹史主簿督  
郵五官掾功曹守從事舉孝廉除郎中拜執金吾遭孝

桓大憂屯守元武碑哀悲慟遭疾隕靈執金吾丞武榮

侯成字伯盛山陽防東人也身履慈孝之德長執忠蹇之搽治春秋經博綜書傳呂典籍教授滋滋履真安貧樂道忽於時榮敬上接下溫故知新翹節建志冠於羣倫孝友內著仁義外宣郡請署主簿督郵五官掾功曹守金卿長辟東平泰山治中從事年八十一建甯二年卒金卿長侯成碑

夏承字仲充東萊府君之孫大尉掾之中子右中郎將弟也累葉牧守印紱典據十有餘人皆德任其位名豐其慶是故寵祿傳於歷世蒂薰著於王室君鍾其美受

性淵懿含和履仁治詩尚書兼覽羣藝靡不尋暢為主簿督郵五官掾功曹上升掾守令冀州從事除涪于長建甯三年淹疾卒官北海涪于長夏承碑

魯峻字叔嚴山陽昌邑人其先周文公之碩胄伯禽之懿緒呂載於祖考之銘也君則臨營謁者之孫修武令之子體純猷之德秉仁義之操治魯詩兼通顏氏春秋博覽羣書無物不稟學爲便宗行爲士表舉孝廉除郎中謁者河內太守丞辟司徒府侍御史東郡頓丘令遷九江太守爲司空王暢所舉徵拜議郎太尉長史御史中丞延熹七年拜司隸校尉年六十七熹平元年司隸校尉忠惠父魯峻碑月癸酉卒

婁壽字元孝南陽隆人也曾祖修春秋以大夫侍講至  
五官中郎將祖父太常博徵朱尉司馬父安貧守賤不  
可營以祿先生童孩多奇嶷有志梳髮傳業好學不厭  
碑文優於春秋朝夕講習樂以忘憂郡縣禮請終不回  
顧年七十有八熹平三年不祿國人乃相與論德諡刻  
石作銘 銘詞 玄儒先生婁壽碑

楊馥富波君之少子也生姿令喆長履忠孝立仁行道  
實體弥隆世授尚書爲國師輔君述而好古少傳祖業  
兼苞載籍靡不周覽爲郡功曹擢拜郎中除右都侯遷  
繁陽令三府競辟五入宰相常登茂御年五十一熹平  
三年卒 繁陽令楊馥碑

乃昌按碑額題繁陽令楊君碑徐渭仁據唐書宰相  
世系表富波侯有二子長統次馥釋作馥

尹宙字周南家於雋陵君東平相之玄會稽太守之曾  
富波侯之孫守長社令之元子也君體溫良恭儉之德  
篤親於九族恂恂於鄉黨交朋會友貞賢是與治公羊  
春秋經博通書傳仕郡歷主簿督郵五官掾功曹守昆  
陽令州辟從事年六十有二遭離寢疾熹平六年四月  
己卯卒 豫州從事尹宙碑

潘乾字元卓陳國長平人蓋楚太傅潘崇之末緒也君  
稟資南霍之禋有天□德之絕操髻髦克敏□學典謨  
祖講詩易剖演奧藝外覽百家眾僞挈聖惟泮宮之教



反失俗之禮構修學宮宗懿招德仕佐上郡除曲阿尉  
溧陽長潘乾校官碑

孔耽字伯本少治禮經慈仁質桷精進誠信縣請署主  
簿功曹府招稽議郡將烏程沈府君表病委職署君行  
事假穀孰長印徽摠領文書年踰皓首縣車家巷 梁相  
孔耽神祠碑

高彪師事□□尉汝南許公□在精橫畫□□□□  
□□□□敏達義理恢廓天地之道□□王公之事  
令問□章爲教者宗袞積篇籍萬□□□明於左氏  
相帝時上立博士章文襜袍類乎班賈京憂碩儒海內  
雋彥靡不擬□孝廉□□徵行弘農楊公爲光祿乃□

表君遷外黃令君舉將穎川太守南陽文府君徵詣廷  
尉君捐官赴義皇行載驅不日係路飢不及飧至以生  
疾光和七年卒 外黃令高彪碑

譙敏字漢達鄴君之中子章君之弟郎中君之昆也其  
先故國師譙贛深明筭隲讖錄圖緯能精微天意傳道  
於京君明君承厥後不忝其美幼而好學才略聰睿詩  
書是綜言合雅謨慮中聖權年五十七中平三年卒 小  
黃門譙敏碑

張遷字公方陳留己吾人也治京氏易聰麗權略藝於  
從畋少爲郡吏徵拜郎中除穀城長遷蕩陰令 蕩陰令  
張遷表頌

樊敏字升達肇祖宓戲遺苗后稷為堯種樹舍潛於岐  
天顧亶甫乃萌昌發周室衰微霸伯匡弼晉為韓魏魯  
分為楊充曜封邑厥土河東楚漢之際或居於楚或集  
於梁君纘其緒華南西置濱近聖禹飲汶茹汭總角好  
學治春秋嚴氏經貫究道度無文不睹察孝除郎永昌  
長史遷宕渠令為治中諸部從事牧伯劉公表授巴郡  
八十有四歲奄忽臧形 巴郡太守樊敏碑

熊君諱□字子□君立迹唯仁與□□□□□□□□  
□□祖父□□治歐陽尚書六日七分少仕州郡舉孝  
廉上計掾興平元年補曲紅長拜綏民校尉領曲紅長  
拜騎都尉立灌陽縣督長君春秋七十有一 綏民校尉

熊君碑

重安相杜暉字慈明體質弘亮敦仁好道治易梁邱春  
秋公羊氏綜覽百家無所不甄典歷三城居官清惠遺  
愛在民春秋六十終 綏民校尉熊君碑

續後漢儒林傳補逸終

上元王筱泉書  
揚州趙連山刻

續後漢儒林傳補逸跋

自來考史者莫重於金石史策之譌誤每即金石曰訂之誠曰梨棗易傳論金石終不槩也田季華先生後漢儒林傳補逸乃昌為之訂正付刊矣因思金石刻之盛昉自東漢之代殘碑遺碣儘多采擇乃即金石各書蒐載共得三十人編為一卷題曰續後漢儒林傳補逸用昌為讀范書者之考證取資然後歎東京文獻湮沒不著者多矣惜先生已往不能昌此編就正用匡我不逮也南陵徐乃昌記於積學齋



